

Число 1.

Ужгород, 1. януара 1925.

Рочник V.

БЛАГОВѢСТИЦІК

Богданів.

Да б'є
єдніно
в'єднати

Iw. 31, na



ДУХОВНА ГАЗЕТА ДЛЯ ПОДКРУСИНОВ

РЕДАКТОР ИЗДАТЕЛЬ:
АВГУСТИН ВОЛОШИН.


ОТВЪЧАТЕЛЬНЫЙ РЕДАКТОР:
ЕМИЛЯН БОКШАЙ.

Организуйте

въ кождомъ селѣ тaborъ
читательовъ „Благовѣстника“

Коло церкви, въ читальни голосно прочитуйте людямъ
стать „Благовѣстника“, чтобы и тѣ, котрѣ читати не
знають, укрѣпилися въ своеї отцовской гр.-кат. вѣрѣ.

СУКНА А МОДНЪ МАТЕРІЯЛЫ,



панскѣ и дамскѣ uniformовѣ, тепихы,
церковнѣ сукна, готовѣ реверенды, сти-
хары и одежи продаются ся найтушне
по мустрѣ, котрѣ посылаеме на жаданя.

Выrobы сукон **HEZINA A SPOL** Нимроц
Повѣреный лиферант Церковного Товариства про Реп. Чсл.


!! Свой до свого !!

„АКОРДЪ“

Перша руська фабрика
звоновъ въ Ужгородѣ.

Сими днями отвориться въ Ужгородѣ перша руська ліярня звоновъ „АКОРДЪ“. Капиталъ создали сами напи люде. Буде она заряджена по-найновѣйшой техницѣ и ведена перворядными фаховцями Мѣстности фабрики уже будуються коло жељезнодорожнѣ станціи въ Ужгородѣ. Тамъ постоянно будуть выставленѣ образцевѣ звоны.

Найлѣпшій благородный метал.
Спеціальная марка „Акордъ“ „A“ и „C“
звоны, ісрочна гарантія.



Замовленя просиме адрессовати:

„АКОРДЪ“, ліярня звоновъ въ Ужгородѣ.

КАНЦЕЛЛАРІЯ: Ужгородъ, Капитульна улиця 11.

Замовленя можъ передати и въ Педикарлатскомъ Банку.

Число 1.

Ужгород, 1. януара 1925.

Рочник V.

БЛАГОВѢСТИКІ

ДУХОВНА ГАЗЕТА ДЛЯ ПОДКАРПАТСКИХ РУСИНОВ

Выходить двараз в мѣсяць
каждого 1-го и 15-го.

АДРЕС:
Редакція: Kapitulska ulica 10.
Адміністрація:
Užhorod, Duchnovičova č. 12.

ПРЕДПЛАТА:

на рок 12.— К
одно число 1.— К
За границю 20.— К
До Америки..... 1 Д.

ОБЯВЛЕНИЯ

принимаются по цѣнѣ
за 1 сторону .. 200 К
за 1/2 стороны .. 120 К
за 1/4 стороны .. 65 К

Новый календарь у „православныхъ“.

Еще не у нашихъ, но у всѣхъ другихъ на цѣломъ свѣтѣ. Кто бы бывъ то думавъ передъ пятьма роками тутъ на Подк. Руси, что твердѣ православнѣ цѣлого свѣта перейдутъ на уживаніе нового т. зв. католицкого календаря, и при старомъ календарѣ зостануть лишь греко-каѳолики. И что се правда и не выдумка, якъ нашѣ домашнѣ агитаторами подбуренѣ и зводженѣ „православники“ кажуть, но чистенька правда, о томъ свѣдчить не меншій свѣдокъ, якъ сама голова „православныхъ“ вѣрниковъ, самъ патріархъ константинопольскій Григорій VII.

Отсимъ помѣстиме въ цѣлости и дословно листъ патріарха царьгородского, списаний до митрополита Діонисія:

ЛИСТЬ

Святѣйшого Патріарха Царьгородского Григорія VII на имя высокопреосвященнаго митрополита Діонисія зъ дня 7-го вересня (септ.) 1924 року. Ч. 3312.

Мы одержали листа Вашого, зъ дня 15-го минулого липня (авг.), разомъ зъ запискою про становище св. Церкви въ Полыцѣ. Онъ уважно бывъ прочитаный нами въ священномъ синодѣ.

Зъ приемностію довѣдалися Мы, что новый стиль (календарь) введено въ вашой св. Церкви. Надѣемся, что опозиція (противники) — про яку вы пишете — противъ реформы календаря, котра реформа признана за необходиму и не содержить въ собѣ жадныхъ трудностей изъ точки погляду догматичного и каноничного е е плодомъ непорозумѣнія та неправильного розумѣнія и повинна швидко зникнути. Въ кождомъ разѣ миръ и згода, что панують посередъ боголюбивого народа въ Полыцѣ, не будуть порушенѣ симъ непорозумѣніемъ. Бо реформа календаря ухвалена и принята послѣ глубокою выученія и справедливоѣ оцѣнки потребъ данного часу заведена въ большої частинѣ Православныхъ церквей и нигде не має жаднаго сомнѣнія въ еѣ неоткладной спѣшности.

Что торкається часу святкованія *Пасхи* и зависимыхъ одъ неѣ переходныхъ (движимыхъ) святъ, который та-кожъ необходимо треба теперъ установити отповѣдно новому календарю, то — беручи подъ увагу новажность справы, мы уже написали до православныхъ обсерваторій Пулкова (Петропградъ), Букарешту, Белграду и Аѳинъ, просячи ихъ установити *новѣ таблицѣ* Пасхалии на 50 роковъ, на подставѣ постановъ ухваленыхъ Всеправославнымъ Собраніемъ. Мы не забаримеся (не будеме поздити) своечасно повѣдомити Вашому Высокопреосвященству про окончательное рѣшеніе, которое буде принятое по сему предмету.

Мы та-кожъ зъ пріемностю прочитали вашѣ подробнѣ повѣдомленія про св. Церкву въ Польщѣ. Станъ еѣ загаломъ добрый и повный надѣй благословеніямъ Божимъ, незважаючи на неминучъ трудности, что выкликаются ненормальностями данного часу, цѣлковито задовольняе насъ. Най змоцнить Госп. вашу св. Церкву своимъ благословеніемъ и най збльшить онъ любовь, згоду и успѣхъ въ всѣхъ еї добрыхъ починаніяхъ.

Мы просиме Ваше Высокопреосв.-о передати пожеланіе одъ нашоѣ Матери Церкви Христовоѣ и одъ насъ самыхъ вашої всеч. іерархіи, клеру и всему правосл.-у народови.

Мы благаеме про ваше щастя и благо Всешишнього, ласка и безмежное милосердіе кого, най будуть зъ вами.

Григорій
патріархъ царгородскій
любліячій въ Хрѣ братъ.

Мы подали цѣлый листъ патріарха константинопольскаго не додаючи, и не однимаюти ни одної буквы, чтобы могли удостовѣритися всѣ нашѣ русины, что се не выдумка, но чиста правда. (Сообщеній сей листъ въ газетѣ *Духовна бесѣда Warszawa* ч. 4).

Изъ сего листа явно, что майже всѣ „православиѣ“ приняліи уже новый календарь а и другѣ, котрѣ еще не приняли мають запровадити. А се еще не все. Змѣненій буде у нихъ и часъ празднованія Великодня (*Пасхи*).

Памятайме! Якій крикъ зробили агитаторы, коли у насъ мадярское правительство завело на короткій часъ новый календарь. Ходили гойкаючи, проклинаючи на гр. каѳ.-у вѣру за заведенье нового календаря. А коли выбухла война цѣлѣ села, околицѣ одорвались отъ Христової, истинної вѣры и перешли на „православну“ вѣру, думаючи, но тай ужесме спокойнѣ, тай уже не будуть рушати нашѣ праздники тѣ папиши.

Айбо доля горько высмѣяла ихъ. Якъ упало мадярское панованье нашъ епископъ заразъ стеръ новый календарь, а запровадивъ старый. Теперъ мы спокойнѣ святкуєме нашѣ свята, такъ якъ святковали нашѣ отцы и предки. А у „православныхъ“ самъ голова, константинопольскій патріархъ выдає розказъ, чтобъ руській календарь стерти и запровадити западный.

Солодкѣ братя, честнѣ русины! Многѣ изъ васъ про заведенье нового календаря отступили отъ св. Матери Церкви. Теперь самѣ видите, что не робили сте мудро и поважно. Хотѣлисте вылѣзти изъ бѣды и залѣзли сте въ еще горшу. Хотѣлисте утѣкати отъ нового календаря, а у православныхъ той самый новый календарь чекае васъ.

Что туй робити? Признайтесь, что вы блудно дѣлали, что вы не мали терпеливости позостати вѣрнымъ въ искушеніяхъ и легко слухали сте на солодкѣ, но ъдовитѣ слова агитаторовъ. Лишѣть ихъ смѣло и отверто! Ихъ бесѣда не была отъ Бога, они говорили языкомъ діавола. И вернѣться назадъ на вашу отцевску вѣру. Думаете, что се ганьба? О нѣ! Признати свое заблудженіе и вертатися на праву дорогу, то превосходна христіянска чеснота и велика заслуга передъ Богомъ. Тяжкое? А въ ересѣ, въ блудѣ умирати не тяжкое? А передъ Богомъ стояти такою совѣстю не тяжкое? Боже провѣдѣніе отворило вамъ очи, не лѣнуйтесь встati изъ блуда и прийти назадъ до вашої милої Матери Церкви.

(6)



Церковь Христова.

ІІ. Основаніе и цѣль Церкви.

Іисусъ Христосъ своею крестною смертю откупивъ весь родъ людскій. Но онъ пришовъ на сей свѣтъ и зато, чтобы людей научавъ на позваніе и достойное почитаніе Бога-Отца. Тыхъ людей, котрѣ приняли его божественну науку (христіянску религію) зорганизовавъ въ одно товариство, что Онъ стадомъ своимъ, або царствомъ небеснымъ, потомъ Церковію называвъ. Въ своихъ притчахъ и проповѣдяхъ разповѣдавъ, что Церковь его спершу мала буде, якъ зерно горчичное, потомъ выросте на величезное дерево, обнимати буде всѣ народы, бу-

дуть въ ней добрѣ и злѣ, якъ може пшеницею найдеся и куколь, будуть еї переслѣдовати, однакожъ не перемогутъ еї ани пекельнѣ силы.

Потомъ заосмотривъ и урядниками свою Церковь. Изъ своихъ послѣдовательовъ выбравъ дванадцатьохъ, которыхъ назавъ апостолами. За три роки заботливо научавъ ихъ и передавъ имъ управление стада своего, удѣливъ ихъ властю совершати св. тайны, и научати всѣхъ людей. Одного изъ нихъ св. Петра поставивъ начальникомъ своеї Церкви и передавъ ему найвышу церковну власть. По своему вознесенію пославъ имъ Духа святого, силою и благодатю которого укрѣпленѣ апостолы явно и смѣло рушилися на цѣлый свѣтъ проповѣдати науку Христа и въ короткій часъ великое число жидовъ и поганъ вступило въ Церковь Христову.

Церковь также Христова есть товариство тыхъ людей, котрѣ исповѣдуютъ Христову вѣру, уживають его св. тайны и повинуються Христомъ установленымъ наставникамъ.

2. Христова Церковь также совершає то дѣло, что почавъ самъ Христось. Научае, освящае и веде всѣхъ людей къ спасенію. Она есть подобіемъ Христа „Благий часъ, мене слышатъ, Отметаисѧ часъ, мене отмечаетъ“ (Лк. 10, 16), идентификуе себе Христось своею Церковю. Зато кождый вѣрный христіянинъ мае wysoko цѣнити Христову Церковь, съвѣстно повиноватися еї приказамъ и прилѣплятися до неї такою пріязнотю, якою до самого Христа.

3. Въ Церкви Христомъ установленой не всѣ члены мають однуку власть. Апостоламъ повѣривъ учити, управляти и священодѣйствовати, а прочимъ людямъ -- ихъ слухати, имъ повиноватися и участъ брати въ ихъ священодѣйствіяхъ. Прото отъ початку двоякихъ членовъ мала Церковь: клериковъ т. е. священиковъ и лаиковъ т. е. мірянъ. Но и всѣ клерики (священики) не были ровнѣ что до власти. Были межи ними ученики (72), котрѣ приготовляли путь для апостоловъ, дале апостолы (12), котрѣ получили приказъ на проповѣданіе Евангелія, на удѣленіе св. таинъ и на управление вѣрниковъ и на конци найвышу церковну власть получивъ св. Петро, кто ставъ видимымъ управителемъ цѣлої Церкви. Потомъ и апостолы посвящали епископовъ передаючи имъ свою власть, пресвитеровъ на помочь епископамъ и діяконовъ, котрѣ коло убогихъ сповняли службу и помогали при богослуженіяхъ; до сихъ трьохъ высшихъ степеней приступали потомъ и инишѣ низшѣ степени священства.

4. Христова Церковь не только на семъ свѣтѣ, но и на другомъ має своихъ членовъ. Сесь суть блаженѣ въ царствѣ небесномъ — побѣдоносна Церковь и страждуючѣ въ чистилищѣ — страждуюча Церковь. До сихъ членовъ приступаютъ на земли живущѣ христіяне,

котрѣ составляють во и н с т в у ю ч у Ц е р к о в ь . Всѣ се с є члены межи собою злученѣ суть и то такъ, что с в я т ѣ на небѣ моляться за насть, мы душамъ въ чистилищѣ сущимъ молитвою и добрыми дѣлами помогаеме, тутъ же на земли участниками бываеме молитвъ и добрых дѣлъ другъ-другого. Сей союзъ членовъ Церкви называєся: соединеніе святыхъ.

Не належать до Церкви Христовоѣ *непокрещенѣ*, *еретики*, т. е. котрѣ не принимаютъ науку Христовоѣ Церкви, *схи-зматики* — котрѣ не повинуються наставникамъ отъ Христа поставленымъ и тѣ, котрѣ про даяку вину выключены суть изъ Церкви. Но попеже Христосъ только одно крещеніе основавъ, зато кожда покрещена дѣтина до Христовоѣ Церкви належить, доки *самовольно* не пристане до якогось другого христіянского товариства.



Черезъ паленку...

Житье має такое значеня, якое надає ему кождый особно — казали модернъ философы. „Якое житье, така и смерть“ — каже народна пословиця.

Иванъ Подубаничъ о своемъ житю то державъ, что оно лишь тогды має значеня, коли вдовольненѣ всѣ его страсти. А наибольша страсть его была: *пянство*. Не зайшовъ въ го-родъ, чтобы одти пянымъ не вернутися. Сусѣдъ продавъ, сусѣдъ купивъ — треба выпити. Крестины кума — тамъ упьеся; сватаня у шурина — одти приходить пяный; комашня была у свата — тамъ упився и сяк то не было конца пянствованію. Все была выгварька другій день, коли жона запиталась де ся упивъ и все найшовъ Иванъ случай де бы могъ упитися.

Сеся хворота такъ глубоко заѣлася въ его житье, что не могъ одбытися день, оби Ивана Подубанича не видѣли селяне пянымъ ити до дому.

При каждой сякой нагодѣ въ его хатѣ пекло было. Горшки на горшки, блюда на блюда трѣскавъ Иванъ и не разъ ста-лся и то, что жона Иванова зъ кровавою головою бѣгла до

сусѣда шукати ратунку противъ звѣрствъ свого мужа.

Коли Иванъ уженився, мавъ богато поля, и худобины было красно, но днесъ, послѣ 10 рочного житя Иванъ бывъ майже найбѣднѣйшимъ у селѣ.

Родина его живе страшно мизерно.

Въ домѣ зароблюе лишь жона, бо дѣточки ще малѣ, но и еѣ заробокъ многоразъ пойшовъ долѣ гортанкою мужа, что не разъ черезъ синяки мусѣла oddati мужови. Хата болыщеразъ была безъ хлѣба, якъ зъ хлѣбомъ.

* * *

Оть и теперь!. Черезъ три дни Роздво, а въ хатѣ и хлѣба не е. Жоны не е дома. Теперь — якъ и все — въ чужихъ хатахъ робить, помогае жонамъ пораити хаты, за что достане: туй кусокъ хлѣба, тамъ мало солонины; зновъ на іншомъ мѣстѣ муки а зновъ инде пару коронъ. Она бѣдна треся по чужихъ закутинахъ, чтобы дѣти на Роздво не были безъ куска хлѣба, безъ шкварьки.

Поздно вечеромъ вернулася до дому. Дѣточки вже полѣгали спати. Легли голодно, но зъ тою надѣю, что завтра вже буде что єсти.

— Завтра треба бы зайти до города, купити кило цукру, тамъ коронозо дешевше, якъ туй дома, и я якъ разъ тое короны не маю — каже жона.

— Будешь ходити въ сесю страшну годину. Полугола еще можешь замерзнути на дорозѣ. Скоршѣ зайду я — одповѣвъ чоловѣкъ.

— Правда, чтобысь пропивъ и тоты грайцарѣ, котрѣ я такъ тяжко заробила.

— Не бойся ничего. Не зроблю зъ себе свиню спередъ сякими великими святами — успокоюавъ поважно Иванъ жону — и дѣйстно заставивъ въ собѣ, что не упъется, но покончить дѣло точно, якъ то жона ему показала.

Другій день рано Иванъ рушивъ до города зъ тою святою постановкою, что и не гляне на корчму, но вѣрно скончить, что му жона приказала и скоро вернеся до дому.

Но неборакъ не знатъ то, что онъ уже не е своимъ паномъ, но пануе надъ нимъ страсть пянства. Въ городѣ першій бывъ зъ кимъ ся зустрѣтивъ одинъ его давній приятель, котрого вже колька роковъ не видѣвъ. Зустрѣчъ была радостна. Та ци можъ въ сяку радостну хвилю не выпити хоть одну бляшку. А товаришъ и кличе.

— Ходѣмъ брате Иване выпийме одну бляшку; такъ давно мы вже въедно не пили. Иванъ з початку одгрѣваesя, но позднѣйше подумае тадь и такъ лишь одну бляшку выпиме, и зъ тымъ конецъ.

Зайшли! Вышли бляшку, выпили и фляшку. Вже напитѣ. Вышли и другу и третю. Вже цѣлкомъ пянѣ. И побилися и

помирилися. И одинъ не знае что робить. Часъ скоро пролѣтѣвъ. Вже на дворѣ темно. Пращаются. Товаришъ на право до дому, а Иванъ на лѣво...

На пути страшна метелиця. Вѣтеръ завѣявъ дорогу. Нѣгде слѣду нема. Иванъ колибаючися змагає до дому... Пяній ледвы годенъ ити. Ухлявъ и сѣвъ.

* * *

Жона дома не знала де ся еї мужъ дѣвъ. Може зайдовъ до корчмы и тамъ досягла его ночь. Нащевно тамъ перебуде ночь. Ачей мае только розуму, чтобы въ сесю страшну завѣрюху не рушався. Добрый хозяинъ и пса не выпустить въ сяку годину. Дѣти полѣгали. И она мала дуже чудное предчувствя, но легла и скоро уснула.

* * *

Коли Иванъ сѣвъ то уже знатъ, что тамъ и останеся на вѣки. Не мавъ онъ только силы, чтобы встati одти. Морозъ почавъ одбирати житie его органовъ; рукою уже не може рухати. Нога подеревѣла. Тутъ треба умерти. Наднявся зъ якѣйсь разъ, чтобы встati, но силы не е. Бѣднѣ дѣти, якое Роздво будуть мати. Зачавъ кликати помочи. Но далеко одъ села, не чуе нѣкто. Уже и говорити не може. Всѣ органы тѣла одмовили службу, еще лишь сердце клопоче поволи, но и того уже лишь часомъ клопне, разъ лишь перестало... Иванъ Подубаничъ переставъ быти.

* * *

Рано нашли его на придорозѣ замерзнымъ.

—онъ.

ІЗ ІСТОРІИ ЦЕРКВИ

Борьба о почитанію св. образовъ.

Въ началѣ VIII-го столѣтія повстала въ Византійской имперіи борьба о почитанію св. образовъ, котра лютостю своею перевысшала всѣ дотеперъшнѣ ереси.

1. Императоръ Левъ, сей простый и необразованный воякъ хотѣвше жидовъ и могамедановъ своеї державы пріобрѣсти для христіянскої вѣры заборонивъ почитаніе св. образовъ и статуй въ цѣлой имперіи. Года 726 выдавъ розпоряженіе, въ которомъ приказавъ знищiti всѣ св. образы не только въ приватныхъ домахъ, но и въ церквяхъ. Онъ першій ступивъ къ сповненію сего ро каза и выславъ своего чиновника, разбити образъ Спасителя, что стоявъ передъ царскими воротами. Но збурений народъ убивъ чиновника и въ цѣломъ городѣ вы-

бухла революція противъ царя. Императорови только кровію удалось задуєти повстанье народа.

Коли римскій отець Григорій II. доставъ вѣдомости о разпоряженію императора пославъ енергичный протестъ императорови и заявивъ, что цѣла Италія одорвесь отъ него и готовъ и кровію защищати „восточныхъ людей, которыхъ онъ такъ оскорблявъ“. Но императоръ ишовъ дале своею дорогою. Года 730 зновъ выдавъ еще строгое разпоряженіе, усунувъ изъ престола патріарха Германа, ревного борца св. образовъ и пославъ свою морську флоту противъ Италіи. На се римскій отець III. Григорій созвавъ соборъ въ Римѣ, отлучивъ отъ церкви императора и цѣла Италія одорвалася отъ грецкоѣ державы. Флоту императора розбила страшна буря и въ всей Италії жителъ знищили статуї и образы императора.

Льву III-му также и въ своей имперіи не удалось знищити почитанье образовъ, бо огромное большинство вѣрниковъ, головно монахи, ревно противостояли беззаконнымъ разпоряженіямъ императора. Все что достигъ императоръ было то, что Италія одорвалася отъ Константинополя и симъ положена была основа для позднѣйшаго церковного розкола.

2. Его наслѣдникъ Константинъ Конронимъ еще съ большою непощадностю продовжавъ гоненіе св. образовъ. Чтобы дати законну основу сего беззаконія, созвавъ императоръ соборъ, на которомъ появилось 338 епископовъ; но на томъ соборѣ не было ни одного патріарха, ни представительовъ римского папы; сякимъ образомъ сей соборъ не могъ называтися вселенскимъ. Туй одобренъ были разпоряженія императора и выклятъ изъ Церкви почитатель св. образовъ, якъ патріархъ Германъ и св. Іоанъ Дамаскинъ.

На се почалося великое переслѣданье св. образовъ и ихъ почитательовъ; монастырѣ розвалили, монаховъ кидали въ море, ослѣпляли, калѣчили, спальвали книги въ которыхъ находилися образы, мощи святыхъ выметали на улицю и т. д. Множество христіянъ убили императорскѣ вояки и многъ, чтобы спасти свое житя поутѣкали въ пустыню.

3. Сіе переслѣданье держало до 787 рока. Тогда на просьбу грецкоѣ царицѣ Ирины скликавъ римскій отець Адріанъ вселенскій соборъ до Никеї. На томъ соборѣ признано было почитанье св. образовъ и выповѣдено, что тое почитанье не относится до матери (изъ якоѣ зробленѣ образы) але до особъ, якъ на нихъ представленъ и что ту почесть треба одрожнити одъ почести оддаванноѣ Богови.

Вся борьба о св. образовъ велася всего 120 лѣтъ и пожадала премного жертвъ. Но найсмутнѣйшимъ фактомъ бывъ то, что въ сей борьбѣ Востокъ и Западъ, якъ противники стояли сопротивъ себе. Отъ сего часу починаєся темна ненависть императоровъ грецкихъ и ихъ приверженцовъ противъ Запада, котра потомъ выбухла въ явной схизмѣ. На Востоцѣ уже пре-

велика была власть императоровъ въ церковныхъ дѣлахъ и се не могло быти на корысть Церкви. Въ сей борьбѣ выявилось зновъ, что римскій апостолскій престолъ есть тою твердою основою, котру не перемогли пекельнѣ силы, и котра есть тою скалою, где розобються всякѣ непріятельскѣ напады. (6)

Миссійный рухъ.

Куровъ. Въ Пряшевской діецезіи, въ Куровѣ въ дняхъ отъ 5/VII.—10/VII. 1924. отбылася миссія. Проводили въ ней о. Павло Гайдичъ и о. Степанъ Решетило, Василіяне. Въ сусѣдствѣ села Грабске' перейшло на схизму. Парохомъ въ Куровѣ впр. о. Корнилій Гайдичъ до миссій своихъ вѣрниковъ подготовивъ красно, якъ мимо пильноѣ работы дуже вдячно приходили на науки миссійнѣ. Сусѣднѣ священники: оо. Степанъ Гайдичъ, Рокицкий изъ Петрови и о. Петрикъ вразъ съ своими вѣрными брали живу участъ у миссіи и помогали ревно у св. сповѣдяхъ и отправѣ богослужень. На свято св. Петра и Павла удалися оо. місіонарѣ до Цеголки, села надъ самою границею, чтобы и тамошнихъ вѣрниковъ покрѣпiti словомъ Божимъ. Такъ жителѣ Курова, якъ и сусѣднѣхъ парохій съ великою жаждою приймали зерно Божого посѣву и обновленї и скрѣпленї у вѣрѣ и привязаню до св. каѳ. Церкви выйшли изъ св. місії.

Драгово. Отъ дня 10 X.—14/X. 1924. р. одбылася св місія въ Драговѣ. Держали єї черцѣ мукачевского монастыря (о. игуменъ Поликарпъ Буликъ и о. Степанъ Решетило) при ласкавой сповуности впр. отца намѣстника Феодора Коссея, завѣдателя Дубового. Вѣрныхъ своихъ добре приготовивъ до св. місії мѣстный душпастирь, впр. о. намѣстникъ Евгений Ортутай, тай увѣдомивъ въ пору всѣ сусѣднѣ села про місію взываючи до помочи у св. працѣ місійной и сусѣдовъ своихъ священниковъ. Драгово, якъ звѣстно вразъ зъ Золотаревомъ есть островъ окруженый довкруги збаламученными, та на жаль заѣлыми и твердыми одступниками, схіматиками. Завдяки однакъ ревной трилѣтной працѣ свого ревного душпастиря вѣрники Драгова стояли наче муръ и одирали всѣ наступы платныхъ своихъ и чужихъ агитаторовъ схіматицкихъ. На проповѣди місійнѣ горнулися не лише жителѣ Драгова, але изъ цѣлої долини тереблянскої. Приходили греко-каѳолики, чтобы на св. місії набрати силы и вытравалости у завзятой борьбѣ за св. вѣру и Церковь Христову. Особливо численно заступлено было Конашное, где греко-каѳолики зъ геройствомъ мучениковъ держаться св. Матери Церкви мимо завзятыхъ, безупинныхъ напастей изъ стороны заслѣпленныхъ твердыхъ одступниковъ, котрѣ у своеи фанатизмъ хватаютъ за каминъ и огень, чтобы выгубити знанавиджену единство зъ Апостолскимъ Римскимъ Престоломъ. —

До св. Причастя подчасъ св. миссії приступило близько 2000 душъ. Въ самъ день закончения св. миссії т. е. въ праздникъ Покрова Пресв. Богородицѣ зобралося изъ цѣлоѣ околицѣ такое множество народа, что простора церковь драговска не могла всѣхъ помѣстити. Спѣвану Службу Божу служивъ у той день вонка коло церкви впр. отець архидіаконъ Егрешій въ асистенціѣ отцовъ Поповича и Немета. Зъ великою увагою и напруженямъ слухавъ зображеній у томъ дни народъ проповѣди о единой, святой, кафтолицкой и апостолской Церкви и въ серцю не одного зъ збаламученыхъ одступниковъ (а было ихъ много того дня на миссії) пробудився голосъ совѣсти и жаль, что залишивъ свою добру св. Матерь Церковь, тай не одинъ зъ слезами въ очахъ вернувъ у еѣ св. лоно. По закопаню здорового орѣхового миссійного Креста и послѣдной проповѣди народъ зъ слезами прашався зъ со. миссіонарями дякующи Богу, что посѣтивъ ихъ своею обильною святою благодатію. Не можна мовчки поминути сего, что церковь драговска ажъ блестить чистотою и охарностю, особливо церковное бѣля: якъ обрусы, стихари, илитони, лентіоники и проче чистеньке якъ снѣгъ, а головный престоль красно и густовно прибраный квѣтами, въ чомъ заслуга жены мѣщевого отца душпаstryя п. Ортутайово. Давбы Господь, чтобы всѣ священичѣ жонки оказали только вѣры и любви для Евхаристійного Вязня Господа Ісуса. Чтобы и школьна молодь не была позбавлена плодовъ и благодатій миссійныхъ, звольнивъ окружный школьный инспекторъ на интервенцію и просьбу о. намѣстника Ортутай всю школьну дѣтвору одѣ нарки на цѣлый день, то е 13. X. въ котромъ близько 200 дѣтей приступили спольно до св. причастя и одержали на памятку образцы. Зазначити бы и то, что вся мѣстна интелигенція дуже полно приходила на науки миссійнѣ и приступила до св. Тайнъ. Красное оно и будуюче для меншого брата! Зъ великою радостю приняли люде вѣстку, что — дѣсть Богъ — у яри одбудется св. миссія въ Золотаревѣ, куды еще численнѣйше обѣцяли зобрatisя, чтобы спрагненѣ свої души скрѣпити Божою правдою.

Ясѣня. Отъ колькохъ мѣсяцівъ доходили до нась упертѣ слухи, что ложнѣ пророки, схизматицѣ агитатори, заставаютъ пекельный куколь въ парохіяхъ, что лежать въ долинѣ горѣшно. Тисы. Доносили навѣть, что схизматики силою вдерлися подекуди до нашихъ греко-каѳ. церквей. По той причинѣ преосв. Епископъ Петро зарядивъ св. миссію въ В. Ясѣню заповѣдаючи разомъ и свой приїздъ межи нашихъ свѣдомихъ, славныхъ Гуцоловъ. И справдѣ при Божої помочи св. миссія одбылася у В. Ясѣню въ дніяхъ 8. XI.—11. XI. с. р. Проводили нею черци Василіяне мукачовскаго монастиря (о. Игуменъ Поликарпъ Буликъ и Стефанъ Решетило) при допомозѣ о. намѣстника Теодора Коссея зъ Дубового. Вже въ пятницю вечеромъ (7. XI.) прибыли о. о. миссіонарѣ до Ясѣня, где привитавъ ихъ сердечно Впр. о. намѣстникъ Стефанъ Бачинскій, парохъ В. Ясѣня вразъ зъ

синомъ своимъ о. Юліемъ Бачинскимъ, котрій якъ молодшій взявъ у свої руки управу численної и розкиненої по горахъ парохії.

Про мисію до налися и схизматицкѣ батюхи и того самого дня аж трохъ ихъ прибыло до Н. Ясъня на свою мисію. Бывъ межи ними славный самозванець „архимандритъ“ Кабалюкъ и заѣлый агитаторъ Рацинъ. Ихъ цѣлею было одогнати вѣрныхъ одъ участіи у св. миссії и безличними брехнями и нападами безчестити св. Отца Римского и св. католицку Церковь. Та якъ где инде такъ и ту Божа правда розвѣяла ихъ клевету и ложь и люде наглядно переконалися, что кривославнѣ батюшки то прикрыти овчою шкурою вовки, что сягають на житє и вѣру Христового стада. Брехня и ложь котрої научилися одъ своего батька Фотія, вилѣзла наче довгѣ зубы наверхъ и показала ихъ вовчѣ апетиты.

Мисію зачали о.о. місіонарѣ въ суботу, въ день св. Димитрія. Перша вступна проповѣдь была выголошена на св. Службѣ Божїй по Євангелію, бо народъ зъ далека не могъ скорше прийти до церкви. Того дня виголошено четыри місійнѣ науки, а кромѣ того двѣ становѣ проповѣди для молодежи, окреме для легиньовъ а окремо для дѣвчатъ. Народъ зъ великою увагою слухавъ місійнихъ наукъ, кождое слово проповѣдника всякало въ серця и души спрягненыхъ Божїхъ правды слухачовъ.

На другій день мисії въ недѣлю (9. XI.) такъ много зобралося людей, что ледви могли помѣститися у парохіальний церкви. Місія бо незнана рѣчъ у тихъ сторонахъ, якъ же дозналися о ней, кождый спѣшивъ послухати Божого слова. Того дня виголошено знова четыри проповѣди, а подчасъ вечерни зачалася св. сповѣдь дѣтей.

На третій день св. мисії (10. XI.) заповѣвъ свой приїздъ преосв. Владика Петро. Здавалось, что народъ въ робочій день не буде могти прийти привитати свого Архипастыря, тымпаче, что схизматики попередного дня розпустили помеже людьми вѣстку, что Владыка не приїде. Мимо того въ понедѣлокъ рано почавъ народъ безупинно сходитися такъ, что на спѣваной Сл. Божїй церковь била биткомъ набита. Спѣшило старое и молодое, чтобы достойно привитати свого архипастыря и любого Отця. О год. $11\frac{1}{4}$ передъ полуднемъ вийшла численна процесія до триумфальної брамы, построеної на головной дорозѣ у найкрасшомъ мѣстѣ. На брамѣ повѣвали прапоры: синьежовтый народный и державный. Точно о 12-ої годинѣ показався на скрутѣ моторъ, у котромъ ишовъ любимый Владыка. Радость появилася на лицахъ всѣхъ присутныхъ. Школьна дѣтвора станула у два довгѣ ряды витати свого Отця. За хвилюю станувъ передъ брамою моторъ и середъ громкого „Слава“, преосв. Владыка высѣвъ изъ авта и убравшись у архіерейскѣ ризы зближився до брамы. Въ брамѣ привитавъ Владыку старий церковный ку-

ратор, бывшій староста, Илько, теплими словами высказуючи велику радость зъ того, что гуцульскій народъ першій разъ удостоився видѣти своего Владыку, и то такого, у которого грудей бье руськое сердце, сердце любого, печаливого. Отця, кто не жаловавъ труду, тай изъ далекоѣ стороны приишовъ нащивити свое стадо. Ихъ Преосвященство дякуючи за привѣтъ заявили, что любовь до руського, гарного гуцульскаго народу привела его у глубокъ горы, чтобы разомъ зъ дѣтьми своими посумовать и порадоватися. Середъ громкого: „Буди имя Господъне“ удѣлюючи собраннымъ благословенія, приишовъ Владыка в супроводѣ численнаго народу до парохіальної церкви. На церковномъ порозѣ привитавъ Владыку красною сердечною промовою мѣстный парохъ, о. намѣстникъ Стефанъ Бачинскій. Изъ сердця плыли слова старенького дѣдуся-душпастыря, который давъ выразъ своеї радости зъ того приводу, что на старѣ лѣта може вразъ зъ своими вѣрными привитати своего Архипастыря. По короткой молебни у церкви вступивъ преосв. Владыка на проповѣдницю и въ короткой, горячай проповѣди давъ виразъ своей радости, что видить своихъ любихъ Гуцоловъ та заохочовавъ до постоянности у вѣрѣ и привязаню до св. матери католицкої Церкви.

По промовѣ преосв. Владыки, что народъ прямо поликавъ, пошовъ народъ на цынтарь, где самъ преосв. Епископъ одслуживъ въ присутности колькохъ священниковъ торжественну панаходу за упокой всѣхъ громадянъ Ясъня. Тамже державъ одинъ изъ мисіонаровъ короткое слово, у якомъ на гробахъ дѣдовъ и прадѣловъ, котрѣ вытравили у св. вѣрѣ, вызывавъ присутныхъ, чтобы гуртовалися подъ прапоромъ единої, святої, соборної и апостолскої Церкви, бо у ней одной правда и благодать и спасеніе Христове.

По коротком спочинку всѣ Отцы вразъ изъ преосв. Владикою удалися до церкви и застѣли сповѣдати численно зображеній народъ. Отцы місіонарѣ выголосили того дня еще двѣ проповѣди. Св. сповѣди тревали до повної ночи.

Въ второкъ (11. XI.) зрана посѣтивъ преосв. Архіерей дочернѣ церкви въ Лазищицѣ и Тисѣ, а прочѣ Отцы сповѣдали весь часъ народъ. Зъ духовною помочію поспѣшило на послѣднѣ два дни місіѣ пять сусѣднихъ священниковъ зъ о. намѣстникомъ Демяновичемъ зъ Рахова на чолѣ. По поворотѣ зъ посѣщенія дочернихъ церквей преосвященный Владыка одправили въ асистенціѣ о.о. Станкай, Демяновича, Стойка и Юлія Бачинскаго, торжественну Архіерейску службу Божу, на которой много народа приступило до св. причастія. По Евангелію одень місіонер виголосив довгшу проповѣдь, въ котрой указовавъ на подступы ложнихъ пророковъ и завзываючи вѣрихъ до мужества и обороны св. вѣры. По службѣ Божїй одбылося торжественное посвященіе місійного креста, якого довершивъ самъ преосв. Архіерей въ асистенції всѣхъ отцовъ. По обходѣ зъ крестомъ промовивъ еще разъ одинъ місіонаръ заохочуючи

присутніхъ участниковъ св. місії до выгревалости у своїхъ добрихъ постановахъ зробленыхъ въ часѣ місії. По чомъ державъ слово о. Юлій Бачинскій, дякуючи місіонарамъ а передовсѣмъ преосвященному Владыцѣ за труды при переведеню и завершеню св. місії. По удѣленю Апостолскаго благословенія одпроваджено преосв. Архіерея при спѣвѣ „многолѣтствія“ до приходскаго дому, при чомъ народъ зъ слезами въ очахъ прощався съ своимъ Отцемъ и пастыремъ. По короткомъ одпочинку выбрався преосвященный Архіерей въ поворотну дорогу до Ужгороду. Деякѣ отцы сповѣдали того дня вѣрныхъ ажъ до год. $\frac{1}{2}5$ вечеромъ. Зазначити належить, что у св. місії брали участіе и римокатолики, а окружний инспекторъ за стараніемъ мѣстної управы школы зволнивъ школьну дѣтвору на цѣлый второкъ одъ науки, чтобы и она могла приступити до св. Таинъ и взяти участіе у мѣсійнихъ торжествахъ. Роскошно было дивитися, якимъ одушевленіемъ приймавъ ясѣньскій народъ свого Епископа, у кого одчувъ руськое сердце и щиру, неудану любовь до своего руського народа. Св. місія и архіерейское посѣщеніе глубоко записалося у серцяхъ горячихъ Гуцоловъ, скрѣшило ихъ у св. вѣрѣ и ободрило до обороны правъ св. матери греко-каѳолицкої Церкви противъ напастей влѣзливыхъ лже-пророковъ, схизматицкихъ наймитовъ, котрѣ за Юдины гроши вносять роздоръ и незгоду меже руській народъ та хотять одорвати его одъ единоспасительної Христової церкви!

Терешуль такожде мавъ радости душевної. О. Ст. Решетило съ о. Коссеемъ нацвили тамошніхъ вѣрниковъ. Были проповѣды и св. сповѣдь. Дня 16.—17. XI. было до 100 причастниковъ.

Въ Краснишорѣ дня 17. IX. вечеромъ уголосився звонъ миленького храма Божого. Мав красный одзвукъ въ душахъ добрихъ краснишорскихъ. Радостно слухали проповѣди, за котрѣ подяковавъ съ тронутымъ сердцемъ оденъ селянинъ о. Решетилови. Причастниковъ было около 70.

Въ Брустурахъ дня 18—19. IX. повна церковь зъ народомъ, предъ церквою же школьніки дѣти ожидали місійної радости въ которой изза далекости Дубова и Тернова не могли участвовать, понеже по лѣсахъ жиуть. Проповѣди и науки держали о. Решетило, о. Коссей, дубовскій парохъ, о. Ал. Хира, вульховскій адіністраторъ. Запричащалося 200 вѣрниковъ. О. парохъ Іоанъ Худанъ зъ сердечнымъ гостепріємствомъ, вѣрники же его квѣтками, послушностю обдаровали місіонеровъ. Сесѣ же оставили имъ — правъ такъ якъ терновскимъ, дубровскимъ и краснишорскимъ — у памятку красный образъ умоленія найсв. Евхаристіи, знаючи, что коли любовъ до Христа буде горѣти у вѣрникахъ, тогда и въ душѣ ихъ выцвѣтуть квѣтки добрихъ учинковъ.

Кто шкодує 12 корунъ на оборону вѣры, той не є свѣдомымъ христіяниномъ.

Изъ ШИЗМАТИЦКОГО раю.

Дешевый батюшка. Нашъ селяне изъ большої части въ великомъ худобствѣ жіютъ, тоже не чудно, что тяжко имъ упаде, коли имъ самыѣ треба выдержати священника, дяка и т. д. Отъ давенъ давна такъ было и такъ буде, что русинъ не радо платить никому, и тяжко выдає геллеры изъ кешенѣ.

Знали се добре пройдисѧты и по войнѣ коли почали свою діяволску роботу противъ вѣры Христової, заразъ изъ початку верли гасло меже народъ: вывержѣть попа изъ фары, мы вамъ принесемъ такого, кому не треба буде платити ничо, цѣлькомъ задаръ буде служити.

На такой основѣ змѣнили вѣру свою отцевску и Чумальовскѣ (ж. Марм.) вѣрники. Вывергли нашего законного священника и попробовали зъ бородатыми батюшами. Отъ того нещастливого часу мали они онъ сѣмохъ батюшокъ, были всякѣ и щаки и козаки, котрѣ всѣ пришли съ тымъ, что они задаръ будуть служити, бо знаютъ изъ воздуха жити. Но коли мало припозналися, почали и они просити платю одъ вѣрниковъ, к. жучи, что и они люде и они потребують ъсти.

Но на конди нашовся оденъ изъ котрого выпозерали вѣрники, что онъ дѣстно не буде ничо просити за духовну обслугу. Бывъ то якійсь изъ села Рускоѣ Мокры; высвятився изъ одного дня на другій въ Буштинѣ и на Великденъ уже тамъ бывъ въ Чумальовѣ. Звѣдають его вѣрники:

— Яку платню будете жадати?

— Та яку дяку будете давати. Я платню себѣ не можу вывязовать, бо я безъ одного дня науки посвященъ и ве дуже добре ся разумѣю до поповства. Яка буде заслуга, най буде така и платня. Дайте ми мало землѣ на сѣно, мало на рѣну, мато на меляй, та менѣ буде; бо я не дивлюся на платню, лишь освободитися отъ мокрянскихъ горъ и прйти мало на долину.

Доки Кенизъ переслуговавъ въ Чомальовѣ та зробивъ всякѣ змѣны; выметавъ павѣсы, бо то уніятскѣ, перекладѣ, что бывъ межи жонами и мужами вывергъ, бо то не свободно, крестъ другій на церковь, бо ото не добрый и т. д. Но сесь неборакъ перемѣны не робивъ, бо сесь до такихъ дѣлъ не разумѣе, якъ и самъ ся признавъ. Разъ и Евангеліе не ото читавъ, что мало быти, такъ что державный путникъ Юра Бабичъ при читаню передъ цѣльмъ народомъ пошовъ выглядавъ му и указавъ перстомъ:

— Сесе читайте!

И коли чашу переносує споминки изъ паперя прочитує. Не диво, бо самъ признавъ, что незнає ничъ до

поповства. Коли вийшли изъ церкви каже одень изъ вѣрниковъ;

— Но ци запрсвадили сте медвѣдя до церкви?!

Но коли староста Мих. Кричфалушій видѣвъ якъ онъ дешево „служить“, пообѣдавъ ему отъ каждого нумера 10. К.

Такъ и другъ вѣрянико вытврѣзилися изъ батюшокъ и и видять кула ихъ агитаторы завели. Люблили бы ся вернутися назадъ, но ганьбляться. Надѣютися, что прийдуть спокойнѣйшѣ часы и тогда щезнути батюшки изъ лица земли и они вернуться назадъ у Христову Церковь.

М. Г.

твердый гр. каѳ., а не шизматикъ.

Новости

— **Паломництво до Риму.** Года 1925-го буде т. зв. святій рокъ. Римскѣ отцы кожного 25-го року оголошують повный отпустъ тымъ вѣрникамъ, котрѣ сего року нащивлять святій городъ. Греко и римо каѳолики изъ цѣлого свѣта громадно прибывають въ святомъ роцѣ до Риму и отдаютъ поклонъ мощамъ верховныхъ апостоловъ св. Петра и Павла и наслѣднику св. Петра римскому отцови. Выdatки сего паломництва виносять около 1.500 Кч. Для П. Руси мѣсяцъ окtoberь е призначений для нащиви вѣчного города. Зголоситися можно у о. канонника: Юлія Станкай.

— **Преосвященій Владыка** доставъ отъ апостольскаго посла (нунція) подякуюче письмо изъ случаю заведенія монахинь на Подкарпатску Русь. Апостолскій нунцій выражаетъ свою радость изъ сего случаю и обѣцяе всю можливу матеріальну и моральну помочь монахинямъ,

чтобы ихъ постоянное перебываніе въ Мукачовской епархіи обезпечено было.

— Монахинѣ наши получали уже свою душеспасительну працу въ ужгородскомъ дѣвочомъ интернатѣ. Дѣвчата не знаютъ доста хвалити, якѣ милѣ суть сестры и якѣ люблять ихъ и якѣ добре чувствуютъ ся меже милыми сестрами. Се есть найдобрий отвѣтъ на напады гдекотрыхъ мадярскихъ газетъ, котримъ болѣло, что уже и у насъ суть сестры-монахинѣ. Пишуть, что въ интернатѣ „чужій воздухъ“ е; для нихъ и для ихъ прихильниковъ чужій, но для насъ и для нашихъ дѣтей воздухъ чистый, теплый, проникнутый Христовымъ духомъ:

— Въ пряшовской епархіи выходить газета „Народная Газета“, котру редактуютъ якѣсь москалѣ изъ Россіи и печатається грошми одноѣ ческоѣ партіи (наг. дем). Само отъ себе ся розумѣе, что ся „похвальна газета“ отверто

нападає на наше духовенство и то звичайнимъ, уличнымъ тономъ. Но противъ батюшоکъ, котрѣ запроваджують нашъ добрый народъ въ пропасть, жадного слова не мае. Панове москалѣ, чому вы не пришли намъ помагати, коли насъ мадяре угнетали? Теперь ся хпаете до насъ и силуете на насъ вашу вѣру и вашъ языкъ? Якъ бы мы не мали свою вѣру и свой красный языкъ! Раджу вамъ идѣть назадъ до Россіи и спасайте тамъ вѣру и языкъ;

— **Короткѣ вѣсти.** Въ Англії провалилася министерія роботничоѣ партіи и на выборахъ великое большинство получили сторонники старого правительства (консервативы). Новый мин. през. Балдинн. — Іоанъ Herzl, одинокій сынъ Феодора Herzla основателя жидовскої ціонистичної партіи 20-го октября 1924 перешовъ на каѳол.-у вѣру въ Лондонѣ. — Нобелову нагороду сего року выигравъ писатель Giovani Papini недавно наверненый на хр.-каѳ. вѣру съ сочиненіемъ „Житѣ Христа“. — Богословъ III. рочний, Стефанъ Подгаецкій въ Пряшовѣ 20. X. 1924. умер.

Отъ редакціи и администраціи. Въ послѣдніхъ тыждняхъ многѣ достали напоминанія, чтобы заплатили за Благовѣстникъ. Се гдекотрымъ не впало добре. На жаль мы не есме въ томъ состоянію, чтобы даромъ засылали газету. Друкъ, администраційнѣ выdatки газеты рочно выносять 24.000 Кч. Положѣмъ 1000 предплатниковъ на 12 Кч (котрѣ дѣйстно платять) се еще все лишь 12.000 Кч. Уже намъ приїдеся доплатити 12.000 Кч. На совѣсть апелуеме кождого предплатника; если ктось и 12 Кч рочно шкодує на таку важну христіянску цѣль жертвовати, та того уже дѣйстно цѣлкомъ не интересує оборона вѣry. Благовѣстникъ не малу заслугу мае, что схизматики уже утратили свою попередну смѣлость и по малу уступаютъ въ задѣ. Но выдержати маємо до окончательноѣ побѣды. Кто словомъ, дѣломъ, письмомъ не може оброняти свою вѣру, той най укрѣплясъ своими жертвами газету, оброняючу Христову вѣру. Сей первый нумеръ послали сме на адрессу, кождого давнаго предплатника; кто не хоче, чтобы ему ходивъ Благовѣстникъ, най зажене назадъ. Но кто не зажене, того считати будеме порядочнымъ предплатникомъ. *Благовѣстникъ* *выходити буде г. 1925. кождого мѣсяца разъ, а предплатна цѣна буде лишь 10 Кч.*

тамъ больше бѣды, якъ у насъ!

— **Посвященіе** новоѣ церкви въ Нижнай-Полянцѣ (Маковиця, Пряшевска епархія) отбылося съ великимъ торжествомъ 16-го новембра.

— **Противъ крайности моды.** Евхаристичный конгресъ Мексики постановивъ заборонити ступъ до церкви панѣямъ декольтованымъ и зѣ голыми руками. Отъ 1-го января не мають вступу до церкви и коротко остриженѣ дамы.

ПЕРЕПИСКИ РЕДАКЦІИ.

В. Чисарикъ. Ломна. Дня 27. января 1924. достали мы черезъ Подк. Банкъ 12:50. Но се была предплата на 1923 рокъ, бо мы на 1924 лишь теперь розсылали чеки. Что мы минувшого рока розослали то относилося до предплаты на рокъ 1923.

Шудих Адалб. Šemelk. Вами въасланъ 12:50 достали мы 2. I. 1924. Но се была предплата на рокъ 1923.

Корн. Петр. Просиме перебачити, се сталося из помилки адміністрації. Такожъ се относиться къ д. нам. Ал. Торонскому.

Андр. Башиста. Подъ трьома роками заслали Вы разъ 10 Кч, а теперь 12:50. Зостане еще на годъ 1924 12 Кч.

М. Петр. 24 Кч получила администрація; но за два роки заходить платити по 2 прим. 48 Кч.

Едм. Гулов. Засланъ 12:50 Кч 25-го фебр. 1924 были зачисленъ на 1923 рокъ.

Як. Желем. Все въ порядку.

Р. С. Зерно здоровое надѣемся, что вскорѣ походить. Просиме постоянно отсылати намъ изъ того доброго настѣння. Гдекотръ удалися до „шизматицкого раю“.

СОДЕРЖАНІЕ.

Новый календарь у „православныхъ“. **ВЪРА:** Основаніе и цѣль Церкви. **БЕСѢДА:** Черезъ паленку... **ИЗЪ ИСТОРИИ ЦЕРКВИ:** Борьба про св. образы. **МИСІЙНЫЙ РУХЪ:** Куроў, Ясъня, Драгово, Терешуль, Краснишора. **Брустура.** **ИЗЪ ШИЗМ.** **РАЮ:** Дешевый батюшка. **НОВОСТИ.** **КОРОТКЪ ВѢСТИ.**

появилася НАУКА О ВЪРЬ.

Для уживанія школьн. молодежи и подк.-руського народа.

Ся книжка есть перва самостойна догматика на русъкомъ языцѣ на Подкарп. Руси. Содержить въ собѣ толкованія всѣхъ членовъ нашого вѣроисповѣданія; написана ЛЕГКИМ, ПОНЯТИМЪ, НАРОДНЫМЪ языкомъ.

Научает нашу молодежь и нашъ народъ на точное и основное познаніе вѣры своеї, подає доказы правдивости нашої гр.-кає. вѣры, головно противъ нападовъ схизматиковъ. Каждый, кто перечитает всю книгу, укрѣвляется въ вѣрности и въ любви къ своей вѣрѣ.

Авторъ сеѧ книжки есть о. ЕМИЛІЯНЪ БОКЩАЙ редакторъ Благовѣстника, кто своимъ перомъ такъ успѣшно воюе противъ лжеученій еретиковъ и на столбахъ Благовѣстника освѣдомляе для обороны вѣры подкарпатскихъ русиновъ.

Цѣна книги 12 Кч. — можно достати въ РЕДАКЦІИ БЛАГОВѢСТИКА, Ужгородъ, Капит. ул. 10. Подк. Русь CSR.
На порто просиме заслати 30 гел.

Первое и единственное
дружественно подпрѣмство

„СОЛ“

свѣчкарня и воскарня въ Космоносахъ заложено и ведено духовенствомъ и лицами, допоруче своѣ перворяднѣ выробы, церковнѣ свѣчки, каждого другу, восковѣ, половосковѣ, крашенѣ и луксусно здобенѣ, якож и стольнѣ свѣчки всього другу, мыдло на праня и тоалетное, крим на обувь, воск и крим на чищенія паркету. От духовенства купуемъ пчолячій воск, отпадки изъ свѣчокъ, или вымѣняемъ за свѣчки. Всому превелебному духовенству, сл. патронатнымъ урядамъ, господарскимъ дружествамъ, и всѣмъ католицкимъ сполкамъ до ласкавоѣ вѣдомости подъ гесломъ:

„СВОЙ К СВОЙОМУ!“

JOSEF NEŠKUDLA
NOVÝ HRADEC KRÁLOVE Čs. R.



Посылае скоро за половину цѣну: Ризы,
стихары и вѣтъ потребнѣ одежи для гр. каѳ.
литургіи, заставы, иконы од акад. худож-
ников, чаши, олтарнѣ свѣчники, лстры,
кресты, одежи и проч. найдешевше.

— Коло новыхъ обѣданьяхъ скоро задарьмо поправлю старѣ одежи.

КОГУТ и ГОРЕИ
УЖГОРОД, РАКОЦІЯ ул. ч. 11.

ЗВОНЫ


250 и 200 кг. на
складъ.

Много признань, похвальныхъ листовъ и подяк. За
належите выполнение и милый звук звоновъ повна
запорука.

„СВОЙ ДО СВОГО“ „СВОЙ ДО СВОГО“.

ЦЕРКОВНѢ
ПРЕДМЕТЫ
як: кресты, свѣчники,
образы до ношения
и т. д.

ВЛАДИМИР КОГУТ



Принимае до золоченія нашѣ и
обновляє всякѣ ~~чини~~ изъ золота
предметы. Купуйте ~~чини~~ изъ золота
лѣмъ у руськоѣ фирмы.

УЖГОРОД, РАКОЦІЯ ч. 11.